

ڈویژن وچ مکمل کیتا۔ ایم فل کرن دی لگن سی تے ایہناں دوواں معرف شخصیتاں دی شفقت کہ ایہناں میرے واسطے ایہہ ادارہ چنیا۔ چنگے بھاگیں اودوں اک ورہا پہلاں گورنمنٹ کالج یونیورسٹی لاہور وچ پروفیسر ڈاکٹر سعید خاور بھٹا ہوراں دیاں کوششاں نال ایم فل پنجابی دا آغاز ہویا۔ ایم فل دا آغاز ہون توں بعد دو سمسٹر ایڈی چھیتی گزرے پئی ویلا گزرن دا پتہ ای نہ لگیا۔ مقالہ لکھن دا ویلا آیا تے مقالہ دے موضوع دا انتخاب کرن وچ میرے نگران ڈاکٹر محمود الحسن بزمی صاحب ہوراں مدد کیتی۔ مینوں ایس پاروں خوشی سی کہ اپنے شہر لاہور دے ای اک درویش تے صوفیانہ مزاج رکھن والے شاعر بارے تحقیقی مقالہ لکھنا سی۔ مواد لکھن ویلے میری سبھ توں چوکھی راہنمائی سر واصف لطیف صاحب تے مقصود احمد شرفپوری نے کیتی جیہدی وجہ توں اوہناں دا چوکھے توں چوکھا شکریہ ادا کرنی آں۔ محترم استاد ڈاکٹر محمود الحسن بزمی صاحب ہوراں دی راہنمائی نال مقالے نوں چار باباں وچ ونڈیا گیا۔

پہلا باب ”بشیر ناطق ہوراں دی حیاتی دے حالات تے واقعات“ تے لکھتاں بارے واقشی تے سمکالیاں دے وچاردتے گئے نیں۔

دو جا باب ”بشیر ناطق دی منظوم سیرت نگاری“ دا تجزیاتی ویروا کیتا اے۔

تین جا باب ”بشیر ناطق دی نظم نگاری“ سسی دی روایت تے تھلاں دی سسی دا تجزیاتی مطالعہ اے۔

چوتھا باب ”بشیر ناطق دے چومصرے تے پھٹکل لکھتاں“ دا تجزیاتی ویروا کیتا گیا اے۔

مقالہ لکھن دا آغاز ہویا تے سانوں عالمی وبا دا سامنا کرنا پیا۔ کرونا وائرس Covid 19 دی وجہ توں ہک واری سارے تعلیمی اداریاں تے لائبریریاں نوں جندرے لگ گئے۔ جدوں ایس وبا اُتے تھوڑا قابو حاصل ہویا میں اپنے تحقیقی کم نوں دوبارہ شروع کیتا۔ بڑیاں اوکڑاں پیش آئیاں۔ انج گلداسی ایم فل مکمل نہیں ہونا۔ میں نگران ڈاکٹر محمود الحسن بزمی ہوراں دی مشکور آں جیہناں میرا حوصلہ ودھایا تے کم دا آغاز کروایا۔ میں ڈاکٹر افتخار احمد سلہری صاحب ہوراں دی وی ہتھ بندھ کے بڑی مشکور آں میں اوہناں نوں بڑا تنگ کیتا کیوں بے کوئی گل سمجھنا تے یاد رکھنا میرے لئی بہت اوکھاسی تے اوہناں بڑے پیار تے محبت نال قدم قدم تے گاہے بگاہے میری راہنمائی کیتی۔

ایس مقالے نوں توڑ چاڑھن دے وچ میں جیہناں ہستیاں دا شکریہ ادا کرنا چاہنی آں اوہدے وچ ساڈے صدر